

精校傷寒論

卷二

傷寒論卷二

錢塘張志聰隱菴註釋

同學高世拭士宗纂

辨太陽病脉証篇第二

傷寒十三日不解過經譫語者以有熱也當以湯下之若小便利者大便當鞭而反下利脉調和者知醫以丸藥下之非其治也若自下利者脉當微厥今反和者此為內實也調胃承氣湯主之

此言病氣已入陽明胃府無分便鞭自利審為實熱之證者俱可從乎下解也傷寒十三日不解過陽明經而譫語者以內有熱也當以湯藥下之若小便利者津液下注大便當鞭內熱而燥湯藥下之可也若過經譫語而反下利脉調和者知醫以丸藥下之夫丸緩留中徒傷胃氣非其治也若自下利而涉于裏陰者其脉當微手足當厥今反調和者此為陽明內實而腐穢當下也調胃承氣湯主之○高子曰上節論逆於中土而痞氣欲出宜先從外解此言過在陽明而入于胃土宜但從下解仲賢本論有條不紊者辨之

太陽病不解熱勝眈其人如狂血自下下者愈其外不解者尚未可攻當先解外外解已但小腹急結者乃可攻之宜桃核承氣湯

桃核承氣湯方

桃核

五十個

大黃

四兩

甘草

二兩

桂枝

二兩

芒硝

右五味以水七升煮取二升半去滓內芒硝更上火微沸溫服五合日三服當微利

此言太陽病氣合陽明從胸膈而下入於膀胱也太陽病不解應傳陽明太陽之邪合陽明之熱從胸而下謂之熱結膀胱其人如狂者秉陽明之熱氣也日如狂病屬氣分非若抵當湯之發狂也血自下下者愈無形之熱邪從有形而散也故其外不解者尚未可攻當先解外外內之相通也外解已但小腹急而復結者乃太陽表邪合陽明之氣而結于小腹急欲下而不能出宜桃核承氣湯微利則愈用芒硝上承陽明之熱氣大黃桃仁破血散

結配甘草桂枝資中焦之精達太陽之氣熱邪下解而正氣外出此熱結膀胱從胸內入故列于柴胡湯中意謂從胸而入亦可從胸而出也

傷寒八九日下之胸滿煩驚小便不利譫語一身盡重不可轉側者柴胡加龍骨牡蠣湯主之

柴胡加龍骨牡蠣湯方

柴胡

四兩

龍骨

黃芩

生薑

人參

茯苓

鉛丹

牡蠣

桂枝

各兩半

半夏二合

太棗六枚

大黃二兩

右十二味以水八升煮取四升內大黃更煮一二沸去滓溫服一升

此言少陽樞折於內不能出入者須啟生陽之氣以達之傷寒八九日當陽明少陽主氣之期祇藉少陽之樞轉以外出若下之則樞轉有乖開閣不得開則胸滿悶則煩驚決瀆有愆則小便不利陽明內熱則發譫語一身盡重不可轉側者少陽主樞樞折而不能轉側也柴胡龍骨牡蠣湯主之用小柴胡湯達傷寒之邪仍從胸脇以外出加龍骨牡蠣啟水中之生陽以助少陽之氣經云少陽屬腎少陽主氣生于水中上合三焦與心主包絡相合而主血鉛得火而成丹用鉛丹桂枝茯苓以助心主之神而達少陽之氣大黃清陽明之熱蓋邪熱清而少陽之氣轉生氣升而少陽之樞續矣○沈氏曰章內二三日四五日六七日八九日十餘日以至十三日後四五日皆六氣相傳各為主氣之期以正氣為主兼論病邪之有無讀者不可以其近而忽之也

傷寒腹滿譫語寸口脈浮而緊此肝乘脾也名曰縱刺期門

合下兩節言病變在形藏而不涉六氣之傳變也平脈篇曰水行乘火金行乘木名曰縱謂乘所不勝於已者放縱而自如也火行乘水木行乘金名曰橫謂橫行而侮其所勝已也傷寒腹滿病在脾也譫語者脾是動病上主於心心氣煩亂故譫語也辨脉篇曰脉浮而緊者名曰弦也以脾土之病證而見之木之弦脉此肝乘脾也名曰縱當刺肝之期門以瀉肝經之熱蓋邪留于有形之藏府者當以經取之也○愚按傷寒六篇皆病在六氣而

不涉於經脉之有形即太陽之為病脉浮少陰之為病脉微細乃病氣而調通體之脉非病之在於脉也故學者當以六氣中求之若本論中凡云刺者方在有形之藏府經脉上看

傷寒發熱當啗惡寒大渴欲飲水其腹必滿自汗出小便利其病欲解此肝乘肺也名曰橫刺期門

愚按文義此肝乘肺也名曰橫刺期門十一字當在其腹必滿之下傷寒發熱當啗惡寒者太陽之氣主皮毛而肺氣亦主皮毛皮毛閉拒故發熱而當啗惡寒也大渴欲飲水者肝主木火之氣肝是動病甚則熾乾而渴也其腹必滿者此肝乘肺金氣虛而脾無所制也名曰橫猶云橫行而無忌也亦刺肝之期門以瀉肝經之熱夫刺之而自肝出小便利者此汗木平而肺氣通水津布而病欲解也○高子曰按上古素問以湯液助正氣用毒藥攻邪病在經脉者以針取之此則首論病在三陰三陽之氣分用柴胡湯以助正氣如芒硝大黃之類以去邪未結血脈相乘者以針取之經氣之道乃醫學之大綱學者宜潛心體析者也

太陽病二日反躁反慰其背而大汗出火熱入胃胃中水竭躁煩必發譫語十餘日振慄自下利者此為欲解也故其汗從腰以下不得汗欲小便不得反噦欲失溲足下惡風大便鞭小便當數而反不數及多大便已頭卓然而痛其人足心必熱穀氣下流故也

自此以下凡十一節皆論火攻之譫蓋火為陽水為陰太陽為諸陽主氣而上合君火之神不可妄用火攻者也高子曰此節分二段看太陽病至此為欲解也一段言陽明得少陰之氣而自解下段言少陰得陽明之氣相濟而釋所不解之義太陽病二日者病在陽明也反躁者病在陽而反見少陰之氣化也夫病在於陽證見于陰宜交濟其陰陽而調和其上下今反慰其背而使大汗出津液外泄火熱入胃則胃中水竭陰陽上下愈不相濟而躁煩矣火傷神氣必發譫語至于餘日當少陰主氣之期振慄自下利者陽明之燥熱得少陰陰津以和之陰陽上下自相交合為欲解也此言陽亢於上得少陰之陰氣而自解也夫未解之時火慰其背而大汗出故其汗從腰以下不得汗氣不下化故欲小便不得反上逆而嘔陰氣不升故欲失溲而足下惡風胃中水竭故大便鞭夫

大便鞭則小便當數而反不數及多者不多也夫小便少則津液當還入胃中不久必大便夫所謂振慄自下利者乃大便已頭卓然而痛之謂也蓋陽明之氣在上足心乃少陰腎藏之湧泉其入足心必熱以陽明穀神之氣下流而交於陰故也此言少陰得陽明之氣兩相交濟而釋所以解之意也上下用二故事義可知矣○金氏曰此下雖論火攻其中正邪虛實表裏上下降陽氣交血氣流行為治病之張本

太陽病中風以火劫發汗邪風被火熱血氣流溢失其常度而陽相重灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸床小便利者其人可治

太陽病中風反以火劫發汗邪風被火熱則血氣流溢而失其循行之常度矣風火之陽兩相重灼則身色如熏黃陽熱盛於上則欲衄陰液虛於下則小便難夫陽氣盛則重膚充身澤毛若霧露之溉陰液充則腠理發泄潤澤皮膚陰陽俱虛竭身體則枯燥矣孤陽上出故但頭汗出劑頸而還此因火攻而致陰陽之不和也腹滿微喘陰氣逆于下也口乾咽爛陽熱盛於上也或不大便久則譫語邪氣留於中也甚者至噦此上中下三焦之氣不和致胃不輪轉而為逆呃也夫四肢為諸陽之本水穀之津液灌溉于四旁陽虛陰竭則手足躁擾捻衣摸床若小便利者陰陽雖虛竭而得三焦中胃之調和故其人可治○愚按通節皆危險之症重在小便利者其人可治所謂陰陽自和者勿治之得小便利必自愈○凌氏曰此假小便利之利以喻三焦中胃之和勿專泥於小便可也仲賢之文每當悟於言外

傷寒脈浮醫以火迫切之亡陽必驚狂起卧不安者桂枝去芍藥加蜀漆牡蠣龍骨救逆湯主之

桂枝去芍藥加蜀漆牡蠣龍骨救逆湯方

桂枝 三兩

甘草 二兩

大棗 十二枚

生薑 三兩

牡蠣 熬五兩

龍骨 四兩

蜀漆 三兩洗去腥

右七味以水一斗二升先煮蜀漆減二升內諸藥取三升去滓溫服一升

傷寒脈浮病在太陽之表以火迫切則陽氣外亡矣亡陽則神失其養必驚狂而起卧不安也用桂枝保助心神龍骨牡蠣啟水中之生陽蜀漆為常山之苗從陰違陽以清火熱甘草木薑助中焦水穀之精以生此神芍藥苦洩故去之夫太陽合心主之神外浮于膚表以火迫劫之此為逆也用桂枝加蜀漆牡蠣龍骨湯啟下焦之生氣助中焦之穀精以續外亡之陽故名曰救逆

形作傷寒其脈不弦緊而弱弱者必渴被火者必譫語弱者發熱自脈浮解之當汗出而愈

此形體虛弱而自作寒熱亦不可以火攻也形作傷寒者形體自作之寒非感天之寒邪也夫正受邪尅其脈則弦邪正相持其脈則緊此非外邪故脈不弦緊而但弱也弱為陰虛故弱者必渴若被火攻則火熱入胃神氣虛微必發譫語夫弱為陰虛不但於渴而且發熱矣得脈浮而氣行於周身之膚表則解之當自汗出而愈矣○曾氏曰久病虛弱之人忽作寒熱發熱而渴即形作傷寒也醫以外感治之而致敗者不可勝數矣

太陽病以火重之不得汗其人必躁到經不解必圖血名為火邪

太陽病以火重之則傷其表陽多氣不得汗則不得陰液以和之火傷心主之神故其人必躁躁者上傷心主之神而下動少陰之氣也劉經者成氏謂得到太陽之經則當汗出而解若不解則火氣內攻必動其血而下圖矣此因火致劇名為火邪

脈浮熱甚反灸之此為實實以虛治因火而動必咽燥唾血

脈浮熱甚此為邪實于外而反以陷下之法灸之是實以虛治也因火而動其血故必咽燥唾血

○高子曰上文動皮腠之血而下圖此動下焦之血而上唾下節動厥中之血而難復血氣流行確有妙義讀者其致思焉

微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

微為虛數為執微數之脈則為虛執故慎不可灸凡因火為邪則逆于內而必煩故為煩逆微數之脈而以火灸

之是徒追其虛而妄逐其實故皮膚熱肉之血散于經脈之中而不能外達蓋火氣雖微內攻于脈中則有力也夫既內攻必致焦骨傷筋而血難復于脈中矣。張氏曰血脈者所以利關節濡筋骨協火內攻焦傷必致故云有力

脈浮宜以汗解用灸灸之邪無從出因火而盛病從腰以下必重而痺名火逆也欲自解者必當先煩乃有汗而解何以知之脈浮故知汗出解也

成氏曰脈浮在表宜以汗解之醫以灸灸之則陰液不施而邪無從出陽氣因火而盛于上則病從腰以下必重而痺所以然者氣浮於外而反灸之則啟其身半以下之陽并於上矣從腰以下陽氣虛微故身重而痺此因火而致陽氣上逆名火逆也夫脈浮者太陽與心主之神氣相合而外浮心主之血液欲化為汗而自解者必當先煩乃有汗而解何以治之以脈浮則知氣行于周身之膚表而血液隨之外出血隨氣行者也。燕氏曰此節申明前節脈浮解之當汗出而愈之義

燒鍼令其汗鍼處被寒核起而赤者必發奔豚氣從小腹上衝心者灸其核上各一壯與桂枝加桂湯更加桂二兩桂枝加桂湯方

桂枝 三兩

芍藥 三兩

生薑 三兩

甘草 二兩

大棗 十二枚

牡桂 二兩

合桂枝共五兩

右六味以水七升煮取三升去滓溫服一升

夫經脈之血氣主於上焦之心神而本於下焦之腎精者也燒針令其汗者取經脈之血液而為汗也針處被寒核起而赤者寒薄於外而君火之氣應之也神氣外浮必動其腎氣而作奔豚心腎之氣相應也灸其核上各一壯以開經脈之閉吸脈道疎通則神機旋轉而邪奔自下矣與桂枝加桂湯益心主之神資中焦之汁申明加桂者更加牡桂二兩也

火逆下之因燒針煩躁者桂枝甘草龍骨牡蠣湯主之

桂枝甘草龍骨牡蠣湯方

桂枝一兩

甘草二兩

龍骨二兩

牡蠣二兩

右四味以水五升煮取二升半去滓溫服八合

火逆者因火而逆也逆則陽氣浮下之則陰氣下陷因加燒針則陰陽水火之氣不和夫太陽不得少陰之氣以和之則煩少陰不得太陽之氣以下交則躁宜桂枝甘草龍骨牡蠣湯和太陽少陰心腎相交之血氣太陽傷寒者加溫鍼必驚也

太陽傷寒者傷寒太陽之氣也妄加溫鍼以取血脈之汗無故而煩必發驚也觀此則知傷寒病在六氣而不涉經脈矣○施氏曰溫者熱也溫針者即燔針烙刺之類也燒鍼者既鍼而以艾火灼之也皆為火攻之義

太陽病當惡寒發熱今自汗出反不惡寒發熱關上脈細數者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也此謂小逆

此下凡四節統論吐之之過而有邪正虛實之分焉此節言吐傷中土而脾胃虛寒二日乃陽明主氣故吐之則傷胃三四日乃太陰主氣故吐之則傷脾也病屬太陽當惡寒發熱今自汗出反不惡寒發熱而關上脈細數者何也以醫吐之過也夫吐之則津液外亡中氣內虛是以汗出而關脈細數關以候中也夫一二日吐之則傷陽明胃土之氣故腹中雖飢而口不能食胃主納穀故也三四日吐之則傷太陰脾土之氣夫胃氣虛者糜粥自養今不喜糜粥胃氣寒者飲食宜溫今欲食冷食夫陽明太陰互相資益朝食暮吐者脾不磨而反出脾主消穀故也凡此皆以醫吐之所致也本論曰脈浮大應發汗醫反下之此為大逆今但以醫吐之故為小逆○馬氏曰正虛邪陷胃氣孤危此尚得為小逆乎此為小逆詰詞也亦通○金氏曰本文雖言一二日三四日究以二日四日為主所謂言不盡意也

太陽病吐之但太陽病當惡寒今反不惡寒不欲近衣此為吐之內煩也

此言吐亡津液而致陽熱過盛也太陽病反不惡寒至不欲近衣乃陽熱盛而陰液消亡此為吐之內煩者言吐傷心主之氣而煩也

病人脉數數為熱當消穀引食而反吐者此以發汗令陽氣微隔氣虛脉乃數也數為客熱不能消穀以胃中虛冷故吐也

愚按上兩節言醫吐之之過此合下兩節言病人自致其吐也病人脉數為熱熱當消穀引食而反吐者此以發汗令表陽氣微隔內氣虛而脉數數則為虛矣故數為客熱非太陽之正氣不能消穀也夫客熱內來則真陽不足胃中正氣虛冷故吐也高子曰胃中虛冷得太陽之氣而不除中

太陽病過經十餘日心下溫溫欲吐而胸中痛大便反溇腹微滿譴譴微煩先其時自極吐下者與調胃承氣湯若不爾者不可與但欲嘔胸中痛微溇者此非柴胡證以嘔故知極吐下也

此言邪實於胃宜調胃承氣湯太陽之邪逆於中土宜柴胡湯若少陰之氣陷於脾土便溇腹滿不能合太陽之神機外出者急當救裏此胡不中與也太陽病過經十餘日此太陽之邪又傳少陰也少陰合心主之神機出入欲出而不能故溫溫欲吐也胸中痛者合太陽之氣欲從胸而出也氣欲外轉而大便反溇腹微滿則少陰之神機逆而不出故譴譴微煩夫欲吐而大便溇亦有胃實之證審其未至十餘日之時自極欲吐下而為胃實者與調胃承氣湯不爾者不可與慎之也但此欲嘔胸中痛微溇三者乃少陰之邪陷于脾土此非柴胡證救裏奇也以嘔故知極吐下也言亦非承氣證不過以嘔故審知其極欲吐下否也愚按不爾者不可與則承氣湯亡矣又云以嘔故知極吐下言但以嘔之故而自極吐下又亡矣學者所當意會者也

太陽病六七日表證仍在脉微而沉反不結胸其人發狂者以熱在下焦小腹當鞭滿小便不利者下血乃愈所以然者以太陽隨經瘀熱在裏故也抵當湯主之

抵當湯方

水蛭

去足款
各三十個

大黃

酒洗
桃仁
各三十個

右四味以水五升煮取三升去滓溫服一升不下再服

此下凡四節皆以小便而驗血證也夫太陽之氣循經而下通於胞中太陽經脉起于目內眥從顛下項挾脊抵腰入循膂而內絡膀胱是以病在上則頭痛其次則項背強凡几循俞內入則合陽明循經下入則結于胞中而為下血證矣太陽病六七日環運已周又當來復於太陽表證仍在者太陽之氣運行于外內而病氣仍在表也脉微而沉者太陽之氣隨經脉而沉以內薄也夫太陽之氣從胸出入今反不結胸者循背下而不從於胸脇也其人發狂者陽熱之氣薄於血室陰不勝其陽則脉流薄瘀并乃狂非若如狂之在氣分也以熱在下焦小腹當有形之鞭滿蓋血瘀則鞭氣結則滿非若無形之急結也小便自利者不在氣分而歸於血分矣下血乃愈所以然者以太陽隨經瘀熱在裏故也抵當湯主之蠱蟲水蛭皆吮血之蟲二飛一潛潛者下行在裏之瘀飛者上承隨經之熱配桃仁以破瘀大黃以行血名曰抵當湯者謂抵當隨經之熱而使之下洩也○高子曰太陽表邪循背下入則為抵當湯證而屬有形從胸下入則為桃仁承氣湯證而屬無形曰抵當曰承氣則有形無形氣分血分從可識矣

太陽病身黃脉沉結少腹鞭小便不利者為無血也小便自利其人如狂者血證諦也抵當湯主之

此言太陽之氣從中土而通於胞中也太陽病身黃者病太陽而見中土之色也脉沉結者太陽病氣隨經脉而沉結於內少復鞭者由地中而下通於泉下也此氣結于中土循中土而下及於少腹若小便不利者此為氣結未涉於血為無血也小便自利其人如狂者氣分之熱歸於血分血證諦也抵當湯主之諦審也加一諦字者言從中土而結于少腹是循胸膈之氣分而下不循脊背之經齊而下故如狂而不發狂必審知其熱歸血分方主抵當湯

傷寒有熱少腹滿應小便不利今反利者為有血也當下之不可餘藥宜抵當丸

抵當丸方

蠅蟲去翅足

水蛭熬各二

桃仁二十個

大黃三兩

右四味搗分為四丸以水一升煮一丸取七合服之晬時當下血若不下者更服

傷寒有熱邪在內也少腹滿者瘀在裏也此熱在氣分而及于少腹應小便不利今反利者氣分多熱已歸於血分矣當下之不可餘藥宜抵當丸謂傷寒之熱盡歸於胞中故用丸以清胞中之血無胞外之餘熱故不可餘藥丸緩故至晬時當下。夫熱結膀胱必小便利而後為有血者何也蓋膀胱者乃胞之室胞中有血膀胱無血小便不利者熱結膀胱也小便利則膀胱氣分之邪散入於胞中之血分故必下血乃愈蓋膀胱通小便胞中又通大便矣

太陽病小便利者以飲水多心下必悸小便少者必苦裏急也

此言小便利不利之不同於血證也太陽病小便利者有以飲水多矣飲水多心下必悸矣小便不利而少者有以氣不化氣不化必苦裏急也其不同於血證者如此。盧氏曰以飲水多而小便利非血證諦而小便利也故結此以別之

問曰病有結胸有藏結其狀何如答曰按之痛寸脉浮關脉沉名曰結胸也

自此以下凡十節論太陽之結胸不同於少陰之藏結痞氣陽氣受病而為大陷胸湯之證也結胸者病發於太陽而結於胸也藏結者病發於少陰而結於藏也病氣結於胸膈之有形而太陽之正氣反格於外而不能入故按之痛太陽之氣主高表故寸脉浮邪結於胸故關脉沉名曰結胸也。張氏曰邪結於胸太陽正氣不能內入則為結胸太陽正氣內結病邪拒於胸膈而正氣不能外出亦為結胸然邪結於胸者可下太陽正氣結於胸者不可下觀下結胸證其脉浮大結胸證悉具兩節而義可知矣。愚按自此以下凡三十九節統論痞結之證夫痞者結胸藏結是也痞者痞氣是也然結胸有在氣在經之不同在氣則為大結胸在經則為小結胸藏結有在

心下脇下之各異在心下則為痞在脇下則為三陰藏結之元證夫大小結胸痞氣藏結俱有死有生今大結胸言死證而小結胸不言藏結言死證而痞氣不言其中各宜體會豈法氣脈自病有結胸有藏結始直至脇下素有痞此名藏結級其中在氣在經在上在下陰陽生死內外證治并井有條學者玩索而有得焉則終身取之而其義無窮矣

何為藏結答曰如結胸狀飲食如故時時下利寸脈浮關脈小細沉緊名曰藏結古上白胎滑者難治

此言藏結狀如結胸而有少陰太陽之別也如結胸狀者少陰之補機格于外而不能入亦於太陽結胸之狀然病氣不結于胸膈之有形故飲食如故時時下利者病邪陷于陰也寸脈浮者神氣浮於外也關脈小細沉緊者少陰陰氣盛故脈小細君火之氣陷于陰故沉緊也此病發於陰故名曰藏結古上白胎滑者神氣格於外而心氣虛寒不得陽熱化也故為難治

藏結無陽證不往來寒熱其人反靜古上胎滑者不可攻也

此承上文藏結而言少陰君火主氣有陽熱之證少陰標陰本熱而外合太陽有往來之寒熱今藏結無陽證不往來寒熱故其人反靜意謂病無君火本熱之陽而反見陰寒虛靜之象古上胎滑者心火之氣已虛故不可攻也○潘氏曰按文義若藏結有陽證亦屬攻可

病發於陽而反下之熱入因作結胸病發於陰而反下之因作痞也所以成結胸者以下之太早故也結胸項亦強如柔痙狀下之則和宜大陷胸丸 方見注內

上文言病少陰而不得陽熱之氣則為藏結此言病少陰而上承君火之陽則下之成痞痞與藏結咸發於陰而又有陰陽上下之殊不但不同於結胸也病發於陽者發於太陽也太陽主表宜從汗解而反下之則胃中空虛熱邪內入而結于胸膈之陽分因作結胸病發於陰者發於少陰也少陰上火下水而主神機出入治當助其君火之陽而反下之則邪入於胸膈之陰分因作痞也夫未論痞先論結胸其所以成結胸者以下之太早故也夫

藏結狀如結胸而結胸之狀何如結胸者項亦強如柔瘕狀所以然者太陽之氣運行於膚表氣結於胸則通體之氣機不轉是以項亦強如柔瘕之凡几然故下之則和宜大陷胸丸芒硝大黃上承太陽之邪熱以下行掌麋杏仁和肺氣以解太陽之氣結蓋太陽之氣主通體之皮毛肺主氣而主皮毛也甘遂氣味苦寒主破堅積利水道太陽氣結則水道不利水道行則氣結亦解矣用丸者丸緩留中解胸內之邪結疎太陽之表氣故不第曰下之而曰下之則和者緩下也則用湯則必一鼓而下矣

結胸證其脈浮大者不可下下之則死

合下兩節言太陽正氣內結不能外出而非邪結也夫太陽之氣生于下焦從中膈而外出于膚表結胸證者言太陽之氣結於中也其脈浮大者太陽之氣虛於內而浮大於外也下之則太陽根氣益虛不與表陽相接外內離脫故死也○張氏曰治邪結易治正結難治治患結胸而死者皆正結也

結胸證悉具煩躁者亦死

此亦申明太陽之氣生于下焦上合心主之神以外浮結胸證悉具者在外之如柔瘕狀在內之膈內拒痛外內之證悉具也煩躁者上下之陰陽不相交濟也故上節外內相離者死此上下不交者亦死夫太陽正氣流行環轉不息一息不通則生化滅一絲不續則宮壤判是以太陽之氣結於中不同邪結胸中之結胸醫者所當分別者也

太陽病脈浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之通數變遲膈內拒痛胃中空虛客氣動膈短氣躁煩心中懊憹陽氣內陷心下因鞭則為結胸大陷胸湯主之若不結胸但頭汗出餘處無汗劑頸而還小便利身必發黃

大陷胸湯方

大黃六兩 芒硝一升 甘遂一錢

乙

右三味以水六升先煮大黃取二升去滓內芒硝煮一兩服內甘遂末溫服一升得快利止後服

合下四節皆為大陷胸湯之證而有風結寒結水結燥結之不同此節言風中太陽之表氣醫反下之而成結胸也浮則為風風邪在表也數則為熱風乃陽邪與太陽之氣合而為熱也經云氣傷風風傷太陽之氣故脈動而動則為痛夫邪之所湊其正必虛風寒太陽而為熱則正氣虛微故數則為虛頭痛發熱病在表也表氣虛故微盜汗出夫汗出則毛腠疎通而反惡寒此表未解也醫反下之則邪正之氣並陷於內故動數之脈變為遲矣下之則邪逆於內故膈內拒痛而胃中空虛客邪乘虛動膈故短氣躁煩蓋膈之上心肺也膈之下肝腎也呼出心與肺吸入肝與腎邪結於中則呼吸不利故短氣上下水火不交故躁煩也邪留於中故心中懊憹陽氣內陷故心下因鞭則為結胸大陷胸湯主之此邪結於內故用芒硝大黃甘遂以破邪使結邪一散而下不必破氣達表之葦薤杏仁夫風乃陽動之邪即陷於胸而有結者若不結胸則下陷於中土但頭汗出者太陽之氣不能從樞脇以出表惟從中土而上逆也故餘處無汗頸項而還中土滯而水道不行是以小便不利小便不利則濕熱相留身必發黃治當利其小便也

傷寒六七日結胸熱實脈沉而緊心下痛按之石鞭者大陷胸湯主之

此節言寒邪入結於胸膈不因下而成結胸者亦大陷胸湯之所主也傷寒六七日太陽之氣當來復於外今結胸而熱實乃寒邪之熱入結於內故脈沉而緊邪氣內熱故心下痛而按之石鞭也大陷胸湯主之

傷寒十餘日熱結在裏復往來寒熱日與大柴胡湯但結胸無大熱者此為水結在胸脇也但頭汗汗出者大陷胸湯主之

此節言水邪結于胸脇亦不因下而成結胸者也傷寒十餘日當少陰主氣之期少陰不能合心主之神氣以外出則熱結在裏少陰合太陽之氣仍欲外轉故復往來寒熱者與大柴胡湯以清少陰之結以達太陽之氣如但結胸無大熱者此少陰之氣陷於內而太陽膀胱水氣亦不能從胸脇而運行於膚表此水結在胸脇也夫既結

於胸脇但頭汗微出者此氣機盡逆於內而濕邪上蒸無從樞轉於外大陷胸湯主之水氣洩於下則正氣出於上而旋轉不難矣

太陽病重發汗而復下之不大便五六日舌上燥而渴日晡所小有熱潮從心下至少腹鞭滿而痛不可近者大陷胸湯主之重平聲

此節言津液內竭而為太陽燥結之證也上文以氣結而致水結此因津液竭而致氣結以微水隨氣行氣隨水轉之義太陽病重發汗而復下之過亡其津液矣不大便五六日燥結在下也舌上燥而渴燥結在上也陽明之上燥氣主之日晡所小有潮熱微見陽明之氣化也從心下至少腹鞭滿而痛下之而邪結於內也鞭痛而手不可近乃太陽表氣之不和夫太陽之氣主通體之皮毛非陽明承氣之燥結故主大陷胸湯以行鞭滿而達太陽之氣則液隨氣轉矣○張氏曰全在痛不可近四字以證太陽結胸

小結胸病正在心下按之則痛脉浮滑者小陷胸湯主之

小陷胸湯方

黃連一兩

半夏半斤

枳實大者一枚

右三味以水六升先煮枳實取三升去滓內諸藥煎取二升去滓分溫三服

自此以下凡十三節皆論經脈結邪或涉心主絡脉或干厥陰血分或病少陰心氣皆為小結胸證與大結胸之在氣分而在胸膈出入者稍異也小結胸者太陽之氣合心主之神結於絡脉之中故正在心下按之則痛者按而始痛經脉絡邪也脉浮滑者浮乃太陽心主之氣滑乃經氣交結邪小陷胸湯胸主之用黃連以瀉下心之熱半夏達陽明之邪而解胸結枳實清絡脈之邪從上而下夫行氣分之結故曰大行血分之結故曰小也

太陽病二三日不能卧但欲起心下必結脉微弱者此本有寒分也反下之若利止必作結胸未止者四日復下之此作協熱利也

合下兩節論小結胸之有碍於開閤樞也此節言太陽表邪內陷不能從開而出者祇可從乎內解也太陽病二三日當陽明少陽主氣之期不能臥者太陽之主開也但欲起者少陽之主樞也心下必結者陽明之主閤也以太陽之病而干少陽陽明之氣脉微弱者此本有太陽之寒分而陽明少陽之氣未盛也夫病未及本治當從本今反下之病者必利若利止則邪不下陷必結於胸此亦病發於陽而反下之因作結胸之意未止者四日復下之四日乃太陰主氣之期脾家實不能合太陽之開而外出則腐穢當下此為挾太陽之表邪而作協熱利也太陽病下之其脉促不結胸者此為欲解也脉浮者必結胸脉弦者必咽痛脉弦者必兩脇拘急脉細數者頭痛未止脉沉緊者必欲嘔脉沉滑者協熱利脉浮滑者必下血

此承上文下之而言或結胸或不結胸以脉證而驗三陰三陽之開閤樞也太陽病下之者承上文而言也其脉促則太陽陽氣在表不與裏陰相接雖下之而不結胸者太陽表氣無虧此為欲解也脉浮者太陽表陽合心主之神氣以外浮不能從胸膈內入故必結胸不但以脉而徵太陽經脉之結胸并可以脉而徵三陰三陽之開閤樞矣脉緊者必咽痛以邪正相持之脉而見少陰咽痛之證脉弦者必兩脇拘急以內減之脉而見少陽兩脇之證夫少陰少陽主樞病則不能樞轉矣脉細數者頭痛未止以裏虛風勝之脉而見厥陰頭痛之證脉沉緊者必欲嘔以陰陽內搏之脉而見陽明欲嘔之證夫厥陰陽明主閤病則有碍於開矣脉沉滑者協熱利言太陰脾土實而協陽熱下利也脉浮滑者必下血言太陽陽隨經瘀熱外邪內陷而下血也夫太陰太陽主開病則有礙於開矣蓋胸乃心主之宮城而三陰三陽之脉皆主於心小結胸病正在心下故經脉為病咸為小結胸證也

病在陽應以汗解之反以冷水灌之若灌之其熱被却不得去彌更益煩肉上粟起意欲飲水反不渴者服文蛤散若不差者與五苓散寒實結胸無熱證者與三物小陷胸湯白散亦可服

文蛤散方

文蛤五兩

右一味為散以沸湯和一方寸七服

白散方

桔梗

貝母各三

巴豆

一分去皮心熬黑
研如脂○分去聲

左右三味為散內巴豆更於杵中以白飲和服強人半錢七歲者減之

此言邪之中人必始於皮毛留而不去則入於肌膚留而不去則入於經脈留而不去則入於府也病在陽病在太陽之皮毛也當是之時得汗而散也反以冷水灌之若灌之其熱被却則入於肌膚矣復留而不得去則入於經脈矣夫經脈不能合心主之神氣以流通則煩更不能由肌膚而達於皮毛則益煩彌更者輾轉之意也夫心主之神合三焦出氣以溫肌肉水寒折之不能合三焦而溫肌肉故肉上粟起心火不達故意欲飲水意欲飲水則當渴矣及不渴者假象也支軀外剛內柔秉離明之象以資心主之氣故可服若不差者與五苓散助脾土而達三焦水道行而經脈通矣設更留而不去則入於府而為寒實結胸無表熱之證者與三物小陷胸湯以治胸中之實以通經脈之邪白散治寒結故亦可服按桔梗色白味辛開提肺氣之品故本經主治胸痛貝母色白其形若肺能消鬱結之疾巴豆辛熱有毒主破堅積開閉塞利水道用散者主開胸痺以行皮膚而散水氣也太陽與少陽併病頭項強痛或眩冒時如結胸心下痞鞕者當刺大椎第一間肺俞肝俞慎不可發汗發汗則譫語脉弦五日譫語不止當刺期門

此言二陽併病涉於經脈而宜刺也太陽與少陽併病言太陽之併病於少陽也頭項者太陽少陽經脈所循之部署也強痛者邪實於經也眩冒者經氣之虛也邪薄於經經氣不能從心主以外達故時如結胸而心下痞鞕也當瀉在經之邪而氣機自轉矣大椎第一間乃督脈與太陽所循之經俞肺俞者肺主皮毛刺之所以瀉太陽之邪也肝俞者厥陰乃少陽中見之氣刺之所以瀉少陽之邪也慎不可發汗以奪心液奪心液則譫語夫一日太陽三日少陽少陽之脉弦至五日而譫語不止當刺肝之期門使邪不傳厥陰亦所以瀉少陽之意也